

錦

帆

集

錦帆集序

桃源友弟江盈科進之撰

錦帆涇者吳王當日所載樓船  
簫鼓與其美人西施行樂歌舞  
之地也閱今千百年霸業烟消

美人黃土而錦帆之水宛然如  
舊姑蘇吳治實踞其上此水抱  
邑治如環乙未之歲余友中郎  
袁君來宰吳殫力圖民昕夕拮  
据憔悴之衆賴以頓蘇踰明年

君以過勞成疾上書乞歸凡七  
請乃得解政去君性超悟深於  
名理才敏妙嫻於詞賦第一行  
作吏都成癯閣間或觸景起興  
感事攄辭有所題詠撰著越二

年亦遂成帙其行也友人方子  
公稍二稟次付諸梓問題於君  
君自標曰錦帆集蓋不佞嘗詣  
吳署謁君：指此水驕余曰是  
錦帆淫也吳王霸業之餘戎乃

得撫而有之不亦快哉而其實  
君執掌簿書食沐幾廢勞與余  
等余因嘆曰同一錦帆淫耳當  
吳王之時滿船簫鼓及吳令之  
身兩部鞭篥吳王用之紅姝綠

金中集  
娥左歌右絃吳令御之疲民瘵  
黎朝拊暮煦昔何以樂今何以  
苦丈夫七尺相肖胡所遭苦樂  
頓異乃爾雖然人生有涯苦樂  
有窮惟山水為無盡操有窮之

具遊無盡之間而能與之俱不  
朽者其唯文章乎君詩詞暨雜  
著載在茲編者大端機自己出  
思後應抽撫景眼前運精象外  
取而讀之言々字々無不欲飛



眞令人手舞足蹈而不覺者嗟  
嗟後霸業而盡者此水乎與此  
水而俱無盡者茲集乎夫君齒  
冢少異日名山之業未可涯矣  
乃錦帆獨託茲集以傳倘亦吳

王有知乞靈中郎之筆不靳西  
施為君捧研而令挾藻見奇有  
如是耶余所蒞治百花洲在其  
前而余日沾：刑名間不能有  
所題詠撰著俾此地託以傳也

則百花洲之遭不逮茲遠甚  
假使西施有靈問江郎夢中之  
筆安在不佞無辭置對矣

萬曆己酉嘉平月朔

門下士文謙光書

錦帆集目錄

卷之一

詩

出燕別大哥三哥

盧溝道中

良鄉道中憶弟

宿涿州

河間逢北去人寄書口號

夜行

郵亭小餐

高唐道中

東阿道中晚望

過滕贈滕尹

舟中

舟中同黃綺石沈廣乘湯隕陸賦

往有誤傳龍君御死者作詩哭之後讀  
塘報始知君御方立功塞上喜不自  
勝因并前詩存之以識交情

附哭詩三首

鶴林寺和上

舟中

同江進之登金山二首

登焦山逢道人

漸漸詩戲題壁上

戲題齋壁

渡太湖

泊西洞庭

東山晚望

嘆鏡

乞歸不得

紀宦

初桂門

齋居戲題

戲東江進之

惜日

任意吟

荒園獨步

病起

夜起

偶成

獨坐

述懷

和江進之寒山寺之作

二首

初夏同江進之坐孫侍中池臺感賦

二首

贈汪咸池乃郎



別龔散木

席止

二首

登陽山

飲徐叅議園亭

病中見中秋連日雨柬江進之

陶石簣兄弟遠來見訪詩以別之

少王郎為王幼度作

病中和黃道元至日禪寺夢愁詩

贈江進之

八首

哭臨漳令王子聲二首

戲題黃道元瓶花齋

丘長孺二首

初度戲題

荅江進之別詩

別江郎

雪夜感懷同黃道元作

張伯起

曹以新

張幼于

皇甫仲璋

別黃道元信筆題扇上

劉子威

二首

迎春歌和江進之

縣齋孤齋時曹以新王百穀黃道元方

子公見過有賦

題方子公蓼莪館

歲暮即事

除夕同王百穀皇甫仲璋方子公衙齋  
守歲

元日述懷

元日與客奕

述懷

別王百穀

卷之二

叙述

虎丘

上方

西洞庭

東洞庭

靈巖

陽山

陰澄湖

帑山橋

天池

橫山

穹窿

岑寧

楞伽

天平

錦帆涇

百花洲

姑蘇臺

吳中園亭紀略

雜著

諸大家時文序

小修詩叙

題初簿罷官冊

識張幼于歲銘後

識張幼于惠泉詩後

識周生清秘圖後

題江進之城隍疏簿

書來履善詩後

書曹以新王百穀除夕詩後

卷之三

尺牘

寄同社

與龔散木

龔左轄先生

荅林下先生

丘長孺

毛太初

王子聲



蘭澤雲澤舛

江長洲

龐丹徒

楊淇園

吳因之

湯義仍

徐漢明

沈博士

瞿太虛

李宏甫

龔惟學先生

伯修

王以明

湯義仍

屠長卿

荅人

陳正甫

羅隱南

龔惟學先生

管寧初

梅客生

湯養仍

管東溟

沈學博

王百穀

龔惟長先生

王以明

李字髯

沈廣乘

劉子威

潘去華

徐丞

朱虞言司理

曹以新王百穀

方子公

王秉白

金中  
小修

答諸舅

朱司理

曹魯川

卷之四

尺牘

張幼子

江進之

李本建

吳曲羅司理

脩

皇甫二泉

聶崑山

陶石簣

陳正甫

孫太府

陶石簣

吳曲羅

朱司理

沈何山

何湘潭

董思白

朱司理

龔惟長先生

欽州陽秀士

張幼子

伯修

健翁

羅隱南

張幼于

馮琢菴師

丘長孺

湯鄧陸

陶石簣

王聞溪

江進之



董思白

華秘書

管東溟

孫心易

王孟夙

顧紹芾秀才

何常熟

朱司理

朱司理

張幼于

諸學博

曹以新

王嘉定

錢象先

王百穀

朱司理

徐漁浦

范長白

金中  
江進之

倪崧山

江進之

黃綺石

李本建

聶崑山

附去吳七牘

乞歸稿一

乞歸稿二

乞改稿一

乞改稿二

乞改稿三

乞改稿四

乞改稿五

萬曆己酉秋勾吳

袁氏書種堂校梓

歸元集目錄

錦帆集卷之一

石公袁宏道中郎撰

西陵陳以聞無異閨

詩

出燕別大哥二哥

長安二月時陽緩北風厲霜刀割地皮古木凜  
寒氣紛紛驟馬塵曉起如雲沸置酒上南岡別  
我好兄弟一母生三人頂踵皆相類發願窮無  
生百劫相砥礪言前識鋒機死裏尋關捩居身

如鑒銅蓄口唯談義兄性溫而真弟性坦而毅  
余性兼寬猛弦韋時相濟墮地便同根飛天亦  
共翅一旦忽分首能不添憔悴白馬望吳門慘  
淡無邊際畏路如畏席猜官如猜謎長兄見老  
成勸余勉為吏錢穀慎出入上下忌同異小弟  
發狂譚兄言胡乃贅胸臆自可行榮枯安足計  
縱使掛彈章亦只數行字八十日彭澤獨非男  
兒事言罷日西沉強起各分袂馬尾對馬尾東  
西條異位欲哭近婦人一笑飛寒淚

盧溝道中

驛路風塵苦殊方伴侶稀馬猶思並轡鳥也巖  
孤飛樹老春無態雲生山有衣紅亭拚一醉留  
着聞寒威

良鄉道中憶弟

同調古無有相憐今亦稀如何萬里去又作兩  
行飛孤塔衝人主寒雲並馬歸長安三月裏好  
得看輕肥

宿涿州



旅館侵霜氣疎題度月明侍兒偎火語黯鼠背  
燈行別弟心常楚離家夢不清相去未半載馬  
足幾千程

河間逢北去人寄書口號

為報東征使行行路若干長途雖厭倦弱體幸  
平安逆旅春無況離亭夢亦寒愁心揮不斷日  
暮幾千端

夜行

野暗毛精壘天昏太史河陰林晴見火山店夜

聞鐸獨樹疑人立  
衝風似鬼過僕夫  
前慰我官路已無多

郵亭小餐

獨上長亭愁溶溶  
水拍堤處人供薄  
餅童子薦香梨朱  
鬣魚三寸白花酒  
半提黃昏人欲去  
窓外馬頻嘶

高唐道中

好似蘇季子辭燕  
又向齊鄉心隨日  
暮望眼盡天低古  
道荒人影寒沙重  
馬蹄如何愧小鳥  
不

占一枝棲

東阿道中晚望

東風吹綻紅亭樹，獨上高原愁日暮。  
可憐驪馬蹄下塵，吹作遊人眼中霧。  
青山漸高日漸低，荒園凍雀一聲啼。  
三歸臺畔古碑沒，項羽墳頭石馬嘶。

過滕贈滕尹

乘月過滕子，踏沙度薛城。  
山雲封去馬，野雀上行旌。  
官舍栽花徧，民家種柳成。  
停車問父老，之

子有能聲

舟中

白鳥當窓坐青山映水行看雲諸態冷弔古百  
愁生近海魚爭大鄰淮酒欲清長亭不可數回  
首呂梁城

舟中同黃綺石沈廣乘湯隕陸賦

天上飛王舄人間看郭舟霞光晴入市雲氣晚  
成樓肝膽皆知盡腰肢各未休浮生尚五斗空  
復念滄洲

往有誤傳龍君御死者作詩哭之後讀塘  
報始知君御方立功塞上喜不自勝因并  
前詩存之以識交情

舌簇分明巧情鍾分外癡傳君無妄死累我斷  
腸詩擲果嬌胡女從軍小健兒陰山三丈雪千  
里白旌旗

附哭詩

可憐千片玉竟作一堆塵住世燈前影居官浪  
裏身從來善飲噉頗亦健精神曾不得四十傷

哉如此人

二

不分成遷客那堪掩夜臺人應銷朽骨鬼亦溺  
寒灰海闊霸魂度天昏恠雨來高堂懸愛子早  
晚若為哀

三

多少人間死於君特愴神玄言從此盡白日柰  
何春禮法讐狂士乾坤侮儒人黃泉如地上容  
易勿顛嗔

鶴林寺和上

竹裏逢開士  
花間覓著書  
禪觀今果足  
文字往因餘  
聽雨知魚樂  
開軒任柳疎  
自憐嬰世網  
敢復事空虛

舟中

莫自誇強項  
逢人且折腰  
微生信坎止  
作吏也逍遙  
山月領歸棹  
江雲湊晚潮  
古來差快意  
唯有一王喬

同江進之登金山

浩淼臨孤石區中第一觀  
重重樓閣幻種種畫  
圍看沙暖鵬雛出窓虛  
海蛤寒古來名蹟在只  
有法彫殘

二

寶植千年碧爐烟鎮日青  
穿藤逢石怒倚檻嗅  
波腥是月皆來戶無塵  
可上扁汲泉燃活火試  
與驗茶經

登焦山逢道人

問君何計得心休口不能  
言但點頭潮去潮來



分子午花開花落驗春秋  
窓間低穴常穿隼竈  
下殘炊每下俎敝衲如烟身似鳥  
過年將作武夷遊

漸漸詩戲題壁上

明月漸漸高青山漸漸卑  
花枝漸漸紅春色漸  
漸虧祿食漸漸多牙齒漸漸稀  
姬妾漸漸廣顏色漸漸衰  
賤當壯盛日歡非少年時  
功德黑暗女一步不相離  
天地猶缺陷人世總參差  
何方尋至樂稽首問仙師

戲題齋壁

一作刀筆吏通身埋故紙鞭笞慘容顏薄領枯  
心髓奔走疲馬牛跪拜羞奴婢複衣炎日中赤  
面霜風裏心若捕鼠貓身似近羶蟻舉眼盡無  
惟垂頭私自鄙南山一頃豈可以沒餘齒千鐘  
麴與糟百城經若史結廬翫草峯繫艇車臺水  
至理本無非從心即為是豈不愛熱官思之爛  
熟爾

渡太湖

野樹澄秋氣，孤蓬冒晚暉。  
漁舟懸網出，溪叟載鹽歸。  
山疊鸚哥翠，浪驅白鳥飛。  
天風吹水立，細雨濺重衣。

泊西洞庭

白浪浸天冷，青山引黛長。  
朝童迷水恠，夜女出江黃。  
種橘皆成市，鑿山半作堂。  
路疑煩指點，洞口覓漁郎。

東山晚望

轉巖人間少，翻愁大地空。  
石枯山眼白，霞射水

頭紅浪惡驚三老魚稀祭五風奇峰探不盡點  
點亂流中

嘆鏡

湖州鏡子開生練昨日紅顏今皺面只道鏡子  
不長情誰知我面時時變背文回合雙蛟戲千  
鐘粟錦藏鴛翅濶眼方鼻淺翠紋古籀盤屈烏  
銀字拂拭旋生縷縷烟摩挲喜得重重翠古往  
今來半尺銅人間多少傷心淚

乞歸不得

不放陶潛去空陳李密情有懷慚拘馬無路達  
神明竹影交愁字鶯啼作怨聲但憑因果在隕  
血誓來生

紀宦

薄宦經年許心情好歆慵詩書攻俗諱耳目信  
塵封生女從呼國學音漸是儂令吳何所有震  
澤兩高峰

初杜門

一笑揮銅綬高眠謝部民放風疏垢髮信懶着

閒身吏省公移字堂清案牘塵靜居堪養性州  
郡但勞人

齋居戲題

深入終防餌高張遠避羅課兒書上字聽客唱  
吳歌檢藥神方少疏經悟語多一枝生計足五  
斗柰人何

戲東江進之

作令真成累全身總是歸道傍春自詭人秉鬼  
相依緩繫牛皮帶寬披燕子衣雲霄終有翼學

取一行飛

惜日

芳樹低簷淺遊絲繞戶牽閒情觀秘戲消日坐  
枯禪范蠡藏身險莊周入夢顛浮生如石火何  
物可長年

任意吟

解帶腰肢免投閒意態疎縱心搜樂事信口釋  
群書萬物齊非馬千仙飽壁魚有名終是累無  
用可還虛

荒園獨步

寒食春猶爛東風草自芊  
花燃無焰火柳吐不  
機綿官博人間累貧遭  
妻子憐微官如可典乞  
我買山錢

病起

病起心情太閒來禮法疎  
愁聽傳事板懶答問  
安書不去終慚鵲無才合  
類樗何如避世網鳧  
髮事空虚

夜起



涼月穿紗見微風響樹來夜蟲親火語窓鼠觸  
明迴坐卧憑書遣行藏作謎猜終宵眠不得無  
計緩愁哀

偶成

嵇叔終疑傲陶潛總任真祇因圖事簡不敢恨  
家貧官邸為歡少鄉書報死頻彌天都是網何  
處有閒身

獨坐

胸臆知難盡行藏未可陳攤書嫌字小烹水試

茶新撥悶占茅卜祈歸拜土神閒雲與倦鳥終  
是一派人

述懷

歲月無停晷遷流快織梭寐來趨夜壑老去皺  
恒河悟法東西祖藏身大小何一漚能幾許枉  
自着愁多

和江進之寒山寺之作

山寺依人境乘閒且杖藜好花營地種熟鳥認  
枝棲洗鉢防茶老開軒礙竹低西來空有義記

取鵲鳩啼

二

忍外侵階偏涼雲濕座飛愛花僧是業伺食鳥  
成機一榻書和卷三生鉢與衣塵勞方未已合  
爪顧飯依

初夏同江進之坐孫侍中池臺感賦

竹裡回文徑花間卍字欄銀塘驕水鴨羅帷護  
風蘭邸報傳來悶民膏到處難東南供費極不  
忍更凋殘

二

細果亞枝重垂藤拂幔低沉香熏睡犬松子食  
雛雞情鳥雄雌狎名花姊妹齊繁華終有氣端  
不似山棲

贈江咸池乃郎

不是干時客零丁向吳越家貧訪故人吞聲學  
干謁先鬼能文章清新好氣骨遺篇猶入梓桂  
枝已摧折不忍念姓名逢君滋哽咽哀哉勿復  
言長風捲愁雪

別龔散木

梅雨濯江干江風細吐寒紅亭一杯酒慘無賓  
主歡天風吹子墮倏忽送子還遊踪如電影閃  
爍太無端子曰為官苦子嗟行路難各自相慰  
勞言言沁肺肝與子如林鳥升沉各羽翰別子  
如湍水東西異波瀾何時一合併白首臭春蘭  
萍散有時聚雲老終還山江頭風日雨容易雕  
朱顏

一片千人石瑩晶若有神劍光鎖不盡留與醉  
花人

二

問此石上歌何如生公說石若解點頭聞歌也  
當徹

登陽山

曉石蹲如象枯松駭似鱗鶴仙可處是龍毋果  
然神穴有能言獸巖多不語人吳宮零落盡踪  
跡果誰真

飲徐參議園亭

古徑盤空出危梁  
濺水行藥欄斜布置  
山子幻生成歌五天  
容破玲瓏石貌清游  
鱗與倦鳥種種見幽情

病中見中秋連日雨東江進之

禁中藥帙滿床頭  
雙挾青鬟坐小樓  
疾疾愁愁三日雨  
昏昏滑滑一年秋

陶石簣兄弟遠來見訪詩以別之

五步一花開十步一花飛  
不知誰家子鬱鬱吐

清姿恬淡僧標格瀟灑士威儀手提白玉鹿身披淺色衣徒步入閭門揮羽上階墀僮僕盡魁偉一一暫而肥或言是山人或言星相師或云鄉里子聞聲始覺非通刺無姓名短紙摺不齊一揖徑登床艸艸寒暄而執手不問病捧腹但言饑設黍呼兒子烹魚命小妻廣長舌有象突兀語難羈欲窮人外理先剖世間疑五行何因起天地何高卑鵠鳥何白黑日月何盈虧生胡然而至死胡然而歸天胡然而喜鬼胡然而悲



事無微不究語無響不奇獨不及臧否一切細  
碎詞玄旨窮三日清言暢四肢愛君深入理恐  
我倦傷脾未作經年別先為五日辭入宮尋西  
子涉水弔鴟夷七十二螺髻三萬六玻璃山水  
既奇敵相得永因依有如重瞳郎配合皇英妃  
又如曹阿瞞生逢大耳兒石公貌高古林屋洞  
傾歌玉遠消夏灣水齧千人磯浪頭懸閭里屋  
底腥蛟螭山鬼攀蘿出鮫人傍檻蹄卑者如鼃  
鼃主者如象犀幽者穿海底高者躡雲梯綠橘

黃柑樹青牛白馬祠上人進新果鄉女貢山鷄  
勝事紛難記名山到始知三朝盡縹緲一雨負  
莫釐歸來為我言山永見鬚眉長公八九紀外  
子二十詩字字傳實跡語語發光輝不獨作者  
難讀者亦應稀譚罷理前問愁來申後期還將  
赤金子試我白綿鋌拈花憐佛笑摘葉止兒啼  
蹶殺子胡犬踢到西河獅擊石原無竹梧桼空  
有枝一番銅鑊語萬仞箭鋒機病得發而減客  
以樂忘疲流連十許日情短六箇時丈夫一滴

金中集  
淚錯落貴珠璣今日若為別相顧浩漣而去去  
復去去吳江落日低

少王郎為玉幼度作

寒氣如山壓霜重珠閣銀題連曉動吹笙十五  
少王郎手搦青梧拴綵鳳禿衫淺揖無賓主滿  
握青烟噴白塵金爐霍霍獅子鳴臙燭雙雙笑  
蓉吐乳花如雪滴春香百刻無多情則長西施  
入越夷光死鸚鵡無魂鴛鴦斷腸麗娃宮裏苔三  
尺旋拂遺綦嗅香跡古井晶瑩惱殺人夢裡行

雲誰到席

病中和黃道元至日禪寺夢愁詩

一番花信又成春  
百結枯腸萬轉輪  
鈴下久停辰  
後版功曹空閣案  
閒塵消愁莫問予  
蛇影對境聊觀石  
火身宮縷添來非  
我有祇應添得與  
遊人

贈江進之

苑花經四果  
門柳近千枝  
年儉遲君俸  
官貧獨我知  
痛民心似病  
感事淚成詩  
不是催科拙  
由

來薄繭絲

二

數疊銅符篆一揮案牘塵賓朋嗔事簡妻子  
惟官貧德畏民無獄道治鬼不神知君本仙令  
家世武陵人

三

窺銅憐貌減鬖髻覺霜欺鄉語青奴誤宦情  
白鳥知佳兒能閑字小婦與填辭解得庭中  
樂閒官亦可為

四

幾年名茂宰艷冶古長洲霸氣吳宮盡濤聲震  
澤秋花深苑作國人去館為樓簫管家家曲那  
能不醉侯

五

端居持簡體吏隱見仙才案牘皆詩料紛厖亦  
酒杯橫鳥移卵去靈鵲抱巢來一見逍遙作知  
君咲口開

進之有道遙記

六

債子今應長錢兄久不神簿書行流水叅佐擁  
空塵蓄古頻令客題詩每向人退齋修竹裡盆  
沼漾文鱗

七

嘗膽經時苦勞薪幾日休禿鬚黃印綬芒履黑  
平頭簿領令從事腰肢惱背郵可憐人似玉羸  
得髮如秋

專諸遺舊劍西子變新娥國大遊民聚時清艷

事多炫城花似面  
絡地水如羅  
團扇前溪上  
吳娘唱子歌

哭臨漳令王子聲

窮冬夜冷蘭煙黑  
死字傳來聽不得  
白日誰防鬼射人  
昏荒頗恠天如墨  
憶昨與君發長安  
白齒青眉吐肺肝  
小杯擊筑大杯舞  
優兒牙板角盤盤  
別來愁絕湘鱗字  
蠟花箋子無高翅  
銅雀臺邊萬縷腸  
館娃宮裏千行淚  
麒麟蹶地青鸞  
叫不得生書得死  
報帝前金管豈無  
人何必如



花一年少天公錯注不回頭銀匣沉沉地下秋  
漳水萬年嘶石馬帝鄉龍愁兩廢丘

二

垂頭耳哭哭聲啞長夜幽幽悲逝者破玉鐺珠  
可惜人天何言哉無知也三哭眼酸淚枯欲流  
不得流焚香告天願天為我開巖猴顏淵魯高  
士胡為三十二而死休靈均楚直臣云何枯槁  
江潭望君門而媒塞修雲何為而投閣賀何為  
而賦樓渚何為而病馬癩何為而疾牛龍何愚

而觸網鰲何細而隨釣山何卑而成水海何升  
而為丘聖者不能言愚者不能憂田巴與惠子  
昧朦雙白頭即如王子聲高第十二秋窮年只  
淹蹇低眉拜督郵讒言復間之刺心如戈矛纏  
棺布三尺棲身土一杯嗟乎子聲汝生不能一  
日牙牌青綬拱揖長安道又不能拂衣故園補  
綴先人州萬里迢迢魄伴魂一具瘦骨官送老  
福君何其薄奪君何其早和氏空有泣楚國無  
以寶漳水平漳臺傾吁嗟乎王子聲

戲題黃道元瓶花齋

朝看一瓶花暮看一瓶花花枝雖淺淡幸可托  
貧家一枝兩枝正三枝四枝斜宜直不宜曲聞  
清不聞奢傍佛楊枝水入碗酪奴茶以此顏君  
齋一倍添妍華

丘長孺

不問南和北都成故與新故開雙乳眼閱盡一  
時人言語誰同味肝腸孰最真金陵居可買是  
否作佳隣

二

橫金米如珠洞庭春似雪只恐君不來君來我  
當設酒可供千人米亦勾三月君來當即來明  
日吳令發

初度戲題

碌碌復碌碌浮生如轉轂帝宏匝地羅人窟彌  
天獄墮地十載強半是顰蹙弄喜無十星量  
愁有千斛十五歲以前師傳苦拘束朝愁日上  
春暮愁書難讀十五歲以後龜手事場屋儒巾

金瓶梅  
才去頭官網又纏足千恥得一官萬恥得微祿  
誰知微五斗妻子轉枵腹顏色低上官肝腸枯  
案牘舉止動得過憎恚苦相觸月不十回圓酒  
無三朝熟來者不可知去者不可贖欲歸色枯  
稿欲歸心寸于一病覺昨非萬仞遂黃鵠勿以  
徑寸榮易茲尋丈辱

答江進之別詩

橫得一尺素寫出銷魂別淚深筆波紅情苦綃  
文裂事君才兩載相期矚高節有過必直陳無

憂不共切密意鼻蘭梅奇談飛金屑案牘與文  
史一一相商決對客語如綿當機鋒似鍊喜怒  
性情真緩急肝腸熱所以小修言江郎吳令傑  
官雖暫時離交豈中道輟古井絕迴波深山無  
化雪

別江郎

江郎貌奇崛文字多古質十三讀父書十五夢  
先筆父母憐愛之保護常在膝何不從我遊扁  
舟訪二室

雪夜感懷同黃道元作

旅館寂無人  
童僕三兩輩  
白勢壓山來  
雲冷天  
憔悴燈寒字  
欲青爐死灰  
相對流火掣  
空飛錯  
落如星碎  
可惜行樂場  
都被微官礙  
歌喉絡飛  
珠誰家佳姊妹

張伯起

兩年稀面見一字到官疎  
白石連雲煮青苓帶  
雨鋤尊前紅拂傳花下  
古釵書兄弟多名理何  
山故不如

曹以新

蹊跡皋橋去親知夢亦疎近花安酒曰避雨約  
床書梅癖林和靖鶴心孫太初長慶名不死有  
子亦為餘

張幼手

家貧因任俠譽起為顛狂盛事追求點高標屬  
李王鹿皮充卧具鵲尾薦經床不復呼名字彌  
天說小張

皇甫仲璋



愛客常投轄登盤必市鮮茶烹無色水香煉不  
然煙高士披先傳稽勲拾舊編藤花繚閣子點  
點綴青錢

別黃道元信筆題扇上

千里負空囊蹇足投吳令客子既數奇主人復  
善病薄俗異臨邛好事乏程鄭逆居垂半載無  
人知名姓乞飯隨白足傭經販大聖未免無魚  
歌能不馴龍性貧者士之常達豈文章命舌在  
即王侯文成足歌詠去矣莫徘徊無官誰相敬

劉子威

盛事推弘正高才足雁行  
丹書函姓字石鼓式文章  
管庫名伊呂閉門讀老莊  
時賢零落盡天壤一劉郎

二

山居忘甲子玄想證無生  
天意私高士人間瑞老成  
文章不死藥形體歲星精  
避世羞藜火掩鐙傳五行

迎春歌和江進之

東風吹暖宴江樹三衢九陌凝曉霧白馬如龍  
破雪飛犢車碾水穿香度鏡吹拍拍走煙塵炫  
服靚粧十萬人羅額鮮妍芬綵勝社歌繡繞簇  
芒神絺衣金帶印如斗前列長官後太守烏紗  
新縷漢宮花青奴跪進屠蘇酒採蓮舟上玉作  
幢歌童毛女白雙雙梨園舊樂三千部蘇州新  
譜十三腔假面胡頭跳如帟窄衫繡袴槌大鼓  
金蟒纏胸神鬼裝白衣合掌觀音舞觀者如山  
錦相屬雜沓誰分綠與肉一絃香風吹笑聲十

里紅紗遮醉玉青蓮衫子藕荷裳透額垂髻淡  
淡粧拾得春條窄姊妹袖來瓜子擲兒郎急管  
繁絃又一時千門楊柳破青枝獨有閉門袁大  
令塵擁書床生綢繆

縣齋孤寐時曹以新王百穀黃道元方子  
公見過有賦

官向清時嬾囊添舊日貧琴瑟將贈客鶴慣不  
疑人怕死婦妻子休官謝鬼神寒雲流日影霞  
氣赤鱗鱗

金中集  
題方子公蓼莪館

小築依蒿里高篇寄蓼莪  
天空猶墮雪地苦不生  
蘿夜月呼山鬼秋墳咽楚歌  
近軒多古柏攀折淚如何

歲暮即事

蘭焰添鐙重花光簇夜紅  
綵枝閒玉剪金帖冷屏風  
宦意如霜艸鄉心折晚鴻  
誰能學少女眉畫入時工

除夕同王百穀皇甫仲璋方子公衙齋守

歲

懶貼宜春字耶為卒歲歌官能容脫網客喜不  
張羅始覺門如謝劉慚肉似何江湖新管領一  
徑白雲多

元日述懷

客署閑花事鄉心醉柳條閉門春艸長高枕白  
雲驕牛馬呼仍在鷓鴣路已遙有田堪種米磬  
折筴前朝

元日與客奕

三百爭馳道十千計賭錢屠蘇慚得後奕品偕  
居前花錦添新日霜毛減少年誰能黑白裏悟  
得遠公禪

述懷

種樹先芝桂裁衣度薜蘿敝圖懸祖炳敗絮擁  
妻羅丘壑馳驅甚玄虛色相多市朝無拘管何  
處不漁蓑

別王百穀

河上青霜雁字斜西風匹馬又天涯錦帆徑遶

郎官舍冠子橋通處士家好事每供梅月水清  
齋長試穀前茶東鄰不是無姝子眼底何人解  
浣紗

門人

袁牀度無涯校梓  
吳士冠相如手書



錦帆集卷之一